



Nunatsinni Nakorsaaneqarfik

Peqqinnissakkut sullissinermik nalunaarsuineq (allattugaatinut nalunaarsuisarneq) pillugu Nunatsinni Nakorsaaneqarfiup ilitsersuusaa nr. 6/2023

Peqqinnissakkut sullissisunut tamanut

Saqqummiunneqartoq: 6. juli 2023

Imarisai

Ilitsersuummi siunertaasoq	2
Ilitsersuummi taaguutit	2
Ilitsersuummi matumani kikkut pineqarpat	2
Qullersat akisussaaffiat	2
Allattugaatinut nalunaarsuisarnerup siunertaa	3
Allattugaatinut nalunaarsuinermi piumasaqaatit	3
Napparsimasut pillugit allattugaatit imarisaat	4
Allattugaatinut nalunaarsuinermi akisussaaffik	5
Allattugaatinut nalunaarsuinermi oqaatsit atorneqartut	5
Allattugaatini nalunarsukkanik naqqiineq ilanngussinerlu	5
Paasissutisseereernikkut akuersisitsinerup allattugaatinut nalunaarnissaa	6
Napparsimasup allattugaatinik takunnissinnaatitaanera	6
Napparsimasup akuersitinneragut paasissutissanik peqqissutsimut tunngasunik pissarsiniarneq	6
Napparsimasoq akuersiteqqaarnagu paasissutissanik peqqissutsimut tunngasunik pissarsiniarneq	6
Paasissutissanik peqqissutsimut tunngasunik ingerlatitseqqiineq	7
Inatsisit atuuttut naapertuuttut	7
Najoqqutarisat naapertuuttut allat	7
Atuutilerfia	7

Iltersuummi siunertaasoq

Nalunaarsukkat inatsimmut atuuttumut, maleruagassanut kiisalu sulisinnaatitaaneq sulinerlu pillugit sulianik ingerlatsinermi peqqissaarnissamik iluoorussinissamillu inatsimmi piumasaqaataasunut naapertuunnerat, peqqinnissakkut sullissisut sulisullu allat, Peqqinnissaqarfimmi tamatumalu avataani peqqinnissakkut sullissinerminnik uppersaanaissaanni, suut piumasaqaataanerat, iltersuummi matumani erseqqissarneqassaaq.

Iltersuummi taaguutit

Peqqinnissakkut sullissisut: Peqqinnissaqarfimmi pisortaqarfinnilu allani sulisut, namminersorlutik peqqinnissakkut sullissisut sulisinnaatitaanermut uppersaataillit uppersaateqanngitsullu.

Ikiortit: Peqqinnissaqarfimmi tamatumalu avataani sulisut sulisinnaatitaanermut uppersaataillit uppersaateqanngitsullu, nakoramit imal. kigutit nakorsaannit suliakkerneqarlutik peqqinnissakkut sullissisut.

Peqqinnissakkut sullissineq: Suliassat peqqinnissakkut sulisinnaatitaanermut uppersaataillip imal. ikiortip napparsimasunik misissuinermut, nappaammik suussusersiniaanermut, nakorsaanermut, peqqissaanermut/paaqqutarinninnermut, piginnaangorsaqqinnermut, pitsaaliuinermut iltersuinernullu atatillugu suliai tamakkerlugit.

Allattugaatit: Aaqqissuussamik nalunaarsukkat, napparsimasunut innuttaasunulluunniit ataasiakkaanut tunngatillugu peqqinnissakkut sullinneqarnermut uppersaasut. Peqqinnissaqarfimmi napparsimasut pillugit allattugaatinut qarasaasiakkut nalunaarsuiffimmut, peqqinnissakkut sullissinernik pilersaarutaasunik naammassisanillu, peqqinnissakkut sullissisunit tamanit pisussaaffigineqartumik, allattugaatinut nalunaarsuisoqartarpoq. Peqqinnissaqarfiup avataani allanik, peqqinnissakkut sullissinermut tunngatillugu uppersaataitut nalunaarsuinissamut piumasarineqartut assinginik piumasaqaatitalinnik, allattugaatinut nalunaarsuiveqarpoq.

Iltersuummi matumani kikkut pineqarpat

Iltersuummi saaffigineqartut tassaapput ilinniagaq tunngavigalugu peqqinnissakkut sulisinnaatitanermut uppersaataillit, uppersaateqanngitsullu, sulisinnaatitaasut sinnerlugit peqqinnissakkut sullissisut. Iltersuut taamaalilluni napparsimmavinnut, peqqissaavinnut, nunaqarfinni nakorsiaritsivinnut, kigutilerivinnut, utoqqaat illuinut, innarluutilinnik sullissivinnut, peqqinnissakkut sullissisunut ikiortinullu tamanut, angerlarsimaffinni peqqissaasunut meeraaqqerisunut kiisalu Peqqinnissaqarfimmi tamatumalu avataani sullissivinni allani peqqinnissakkut sullissisunut atuuppoq.

Qullersat akisussaaffiat

Peqqinnissaqarfimmi qullersat, Peqqinnissaqarfiullu avataani sullissivinni aqutsisut, tassani peqqinnissakkut sullissineq pillugu allattugaatinut naammattumik nalunaarsuisoqartarnissaa akisussaaffigaat.

Taanna makkunanga imaqassaaq:

- Sulisut allattugaatinut nalunaarsuinermi toqqammavissanik iltersuunneqarsimanissaat iltersuummillu matuminnga malinninnissaat.
- Peqqinnissakkut sullissinermik uppersaanaanermut tunngatillugu pisarialinnik, iltersuummi matumani toqqammavissanut naapertuuttunik malittarisassiortoqarsimanissaa.

- Pitsaassuseq tamatumalu uppersarneqarnissaa sapinngisamik pitsaanerpaamik qulakkeerlugu, sulinerup nakorsaanerup/sullissinerup aaqquisuuneqarnissaa.
- Sulisut allattugaatinut nalunaarsuinissamut periarfissinneqarlutillu piffissaqartinneqarnissaannik qulakkeerinissaq.

Allattugaatinut nalunaarsuisarnerup siunertaa

Napparsimasut pillugit allattugaatinut nalunaarsuivik sulinermi sakkuvuq; napparsimasup aqqusaartugassaaniq ataatsimut isiginnissinnaanissamut ataqatigiissumillu ingerlatsisinnaanissamut tunngavissiisq. Tamatuma saniatigut, peqqinnissakkut sullissisut allallu napparsimasunut ataasiakkaanut peqqinnissakkut sullissinermik isumaginnittut akornanni, attaveqatigiinnermut - tamatumunngalu atatillugu misissuinnermut, nappaatinik suussusersiniaanerut, nakorsaanerut, peqqissaanerut, piginnaanngorsaaqqinnermut, pitsaaliuinnermut napparsimasunik siunnersuinnermut il.il., allattugaatit tunngavissiipput.

Tamatuma peqatigisaanik allattugaatit napparsimasunut isumannaallisaanerup pitsaassusaanut, nappaammik suussusersiniaanerut, nakorsaanerut peqqissaanermullu annertuumik pingaaruteqarput. Tamatuma saniatigut nakkutilliinnermut atatillugu pingaaruteqarsinnaapput, soorlu aamma nakkutilliinnermut maalaarutinillu suliaqarnermut atatillugu uppersaartit atorneqartartut. Allattugaatit pitsaassutsimik inerisaanermi ilisimatusarnermilu pingaaruteqarsinnaapputaaq.

Allattugaatinut nalunaarsuinnermi piumasaqaatit

Kalaallit Nunaanni Peqqinnissaqarfimmi peqqinnissakkut sullissinerit tamarmik allattugaatinut qarasaasiakkut nalunaarsuiffimmut Cosmic-imut nalunaarsorneqartussaapput. Taanna- Tasiilaq eqqaaniittulli Æskulapimik sulit atuisut kisiisa pinnagit- peqqinnissaqarfimmi immikkoortut tamaasa akimorlugit nalunaarsuiffiuvoq. Taakku saniatigut nunaqarfiit ilaannit Pipaluk atorneqarpoq. Peqqinnissaqarfiup avataaani sullissivinni allattugaatinut nalunaarsuinnermi sullississutit allat atorneqarput, taakkununga ilaallutik cardexit qangaaniilli atorneqartut, allattugaatitullu isigineqartut. Allattugaatinulli nalunaarsuinnermi sullississutit suugaluarpataluunniit piumasaqaatit taakkuupput. Sullississutit taakku allattugaatinik ataatsimut taaneqartassapput.

Allattugaatit; misissuinnermut, nakorsaanerut, peqqissaanerut, piginnaanngorsaaqqinnermut, pitsaaliuinnermut napparsimasunillu siunnersuinnermut/ilitsersuinnermut il.il. pingaarutilinnut nalunaarsukkanik aaqqusuussanik imaqassapput.

Paasissutisat ataasiakkaat ataasiaannarlugit allanneqartariaqarput. Sulisut ataasiakkaat ilinniagaqassusertik tunngavigalugu naliliinerat, peqqinnissamut tunngatillugu isumagisanik ilinniagaqassutsikkut ileqqunut naleqqersuussineq, paasissutissat allattugaatiniittut qanoq sukumiitiginissaannut aalajangiisuussapput. Maleruagassatut pingaarnertut; paasissutissat pitsaasumik isumannaatsumillu nakorsaannissamut pisariallit, allattugaatinut nalunaarneqassapput.

Allattugaatit sulisunut/ikiortinut ataasiakkaanut taakkulu suleqataannut; napparsimasup peqqissusaanut, peqqinnissakkut sullissinnermut pilersarutaasumut naammassineqartumullu, tamatumalu malitseqartinneqarnissaanut, ataatsimut isiginnilersitsissapput. Paasissutissat napparsimasup nakorsarneqarneranut naapertuutinngitsut ilannguttariaqanngillat. Nakorsaaneq paasilertoruminaasiartortillugu annertusiartortillugulu kingunerluuteqarsinnaanerullu aarlerinaataa annertusiartortillugu, allattugaatinut nalunaarsuinissamut piumasaqaatit annertusiartortarput.

Peqqinnissakkut sullissineq sunaluunniit tamatigut allattugaatinut nalunaarneqassaaq, tamannalu pissalluni napparsimasumik attaveqarnermi imaluunniit tamatuma kinguninngua, kingusinnerpaamilli ulloq taanna soraannginnermi.

Napparsimasut pillugit allattugaatit imarisaat

Allattugaatinut qarasaasiakkut nalunaarsuiffimmuut isernermi, paasisutissat makku allassimanissaannut piumasaaqat eqquutsinneqareersimassaaq. Allattugaatini allani makku nammineq allanneqassapput:

- Napparsimasup aqqa, inuttut normua najugaalu.
- Sumi qangalu allattugaatinut nalunaarsuisoqarnera.
- Nakorsaasup kinaassusaa (atorfia, aqqa, atiisa aallaqqaataat suliffialu).

Naapertuuppat, allattugaatit paasisutissanik makkunanga imaqassapput:

- Napparsimasoq pillugu tunngaviusumik paasisutissat
- Saaffignissummut patsisaasoq
- Nappaatip oqaluttuassartaa
- Nappaatip ersiutai, suussusaa paasisallu pissusissamisuunngitsut – taakkulu saniatigut nalinginnaasumit allaassuteqartut, nappaatit itut, ajoqutaasinnaasumik nassaartoqannginneranik naliliisoqarpat- navianartoqannginnera qulakkeerneqassappat tamanna immikkut naapertuuppoq
- Misissortinnissamut nakorsartinnissamullu patsisaasoq
- Misissuinerlut, nappaatinik suussusersiniaanernut, nakorsaanerlut, nakkutilliinerlut, peqqissaanerlut, piginnaanngorsaaqinnerlut, pitsaaliuinerlut siunnersuinerlut, nakorsiarnernut, uninnganernut imal. oqarasuaatikkut saffigninnernut atatillugu, peqqinnissakkut sullissinerit pilersaarutaasut ingerlanneqartullu
- Nakorsaasunit allanit siunnersortinnerit isumasioqatigiillunilu ataatsimiinnerni aalajangikkat
- Iliuserisanik – tamatumunngalu atatillugu napparsimasup nalinginnaasumik peqqissusaanik nakorsartinnermullu qisuariaataanik naliliineq
- Nakorsamut immikkut ilisimasalimmuut imal. peqqinnissakkut sullissisunut allanut- soorlu timimik sungiusaasunut imal. pillorissaasunut innersuussineq.
- Aalajangersimasunik nakorsaasiineq – tamatumunngalu atatillugu nakorsaasiinerlut patsisaasoq, nakorsaatip aqqa, sakkortussusaa, amerlassusaa, annertussusiliineq, nakorsaatinik tunniussineq nakkutilliinerlut, nakorsaatitornerup sivilissusaa nakorsaasiinerup nakorsatitorunnaarnissallu ullui (Takuuk Nunatsinni Nakorsaaneqarfiup nakorsaasiisarneq nakorsaatilerinerlut pillugit ilitsersuusaa)
- Nakorsap misissuineri tamatumalu saniatigut misissuinerit ass. aaversinnerit qinnguartaalluni assiliinikkut nappaammik suussusersiniaanerit, nipinik assinillu immiussinerit inernerit, allakkanik nassuiaaserlugit allattugaatinut kakkiunneqassapput
- Nakkutilliinerni skemat immersukkat
- Nakorsaanermit uppersaalluni allattugaatinut nalunaarsuineq- nakorsaanerup kinguninngua pisimangippat, nakorsaanerup qanga pineranik nalunaarneq
- Napparsimasup nammineq paasisutissiisutai imal. paasisutissat nassiussai – taakkununga ilaallutik paasisutissat qanigisanut, inummut namminerlut, sapigaqarnerlut il.il. tunngasut naapertuuttut
- Paasisutissat suleqatigisanit avataaneersuneersut, ass. Peqqinnissaqarfiup immikkoortuinit allaneersut, Danmarkimi napparsimmavimmi immikkoortuneersut, angerlarsimaffinni peqqissaasuneersut, meeraaqqerisuneersut il.il.

- Napparsimasumut qanigisaasunullu aamma/ imal. suleqatigisartakkanut isumaqatigiissutit, kikkullu akornanni isumaqatigiissuteqartoqarnerseq
Misissortinnissamut nakorsartinnissamullu paasissutissinneqareernermi akuersineq- tamatumunngalu atatillugu napparsimasunut paasissutisiissutaasut, napparsimasullu qanoq akissuteqarnera.

Allattugaatini ataasiakkaani napparsimasumut tunngasuunngitsunik nalunarsuisoqassanngilaq.

Allattugaatinut nalunaarsuinermi akisussaaffik

Peqqinnissakkut sullissisoq/ikiorti suliaakkiissummik peqqinnissakkut sullissisoq, allattugaatinut nalunaarsuinissamut akisussaasuvoq. Suliaakkiisup suliaakikkami allattugaatinut nalunaarsuinissaata nakkutiginnissaa pisussaaffiginnigilaa. Oqaatsit atorlugit suliaakkiinermi tamanna aamma atuuppoq.

Peqqinnissakkut sullissisoq/ikiorti napparsimasumik aalajangersimasumik nakorsaaneq pillugu, peqqinnissakkut sullissisumit allamit oqarasuaatikkut allakkatigulluunniit siunnersortikkuni, peqqinnissakkut sullissisup siunnersuisup kinaassusaa paasineqarsinnaaniassamat, paasissutissat tamatumani pissarsiarineqartut, taakkulu kiminngaanniit pissarsiarneqarnerat tamatigut allattugaatinut nalunaarneqassapput. Siunnersorneqartup kisimi tamatuma allattugaatinut nalunaarnissaa pisussaaffigaa. Siunnersuisullu inatsisitigut imminut illersorniarluni, sapinngisamik siunnersuinini allattugaatinut nalunaartariaqarpaa.

Isumasioqatigiilluni ataatsimiinnermi napparsimasut ataasiakkaat pillugit saqqummiussisup, paasissutissat allattugaatinut nalunaarneqarnissaat, akisussaaffigaa. Tamatigulli aalajangiinermi kina pingaarnertut akisussaasoq- tassaagajuttoq nakorsaaneqartut pisorta- allattugaatinut nalunaarneqassaaq.

Allattugaatinut nalunaarsuinermi oqaatsit atorineqartut

Allattugaatini nalunaarsukkkat peqqinnissakkut sullissisunut pisortaqarfinnullu atuaruminartuussapput paasiuminartuussallutillu.

Makku atuutissapput:

- Tunngaviumik oqaatsit akuerisaasut- sullissiviit suut, sullissivimmilu pineqartumi oqaatsit suut sulisunit paasineqarsinnaanerit apeqqutaalluni- soorlu kalaallit, danskit imal. skandinaviamiut allat oqaasii atorlugit allanneqartariaqarput
- Allattugaatit paasiuminarlutillu aqqiissuussassapput.
- Latiinerisut imal. grækerisut taaguutit nalinginnaasumik ilisimaneqartut ilinniakkamut attuumassuteqartut taamaallaat atorineqassapput.
- Naalisakkat ilinniagaqassutsikkut akuerineqartut kisimik atorineqassapput.
- Oqaasertaliuttakkat/makro, atorineqarpata taakku napparsimasumut pineqartumut naleqqussarneqassapput.

Allattugaatini nalunarsukkanik naqqineq ilanngussinerlu

Allattugaatini nalunarsukkanik piiasooqassanngilaq. Paasissutissanik eqqunngitsunik allassimasooqarpat, allattugaatiniluunniit nalunarsukkat kukkuneqarpata, paasissutissanik naqqiutissanik ilanngussinikkut aqqiisooqassaaq. Aallaqaammullu nalunarsimasaaq piiarneqassanngilaq. Kia qangalu naqqiuteqarsimanera allassimassaaq.

Paasissutisseereernikkut akuersisitsinerup allattugaatinut nalunaarnissaa

Napparsimasoq paasissutisseereerlugu akuersiteqqaarnagu misissuisoqaranilu nakorsaasoqassanngilaq, napparsimasullu peqqissutsi nakorsartinnissamullu periarfissat – tamatumunngalu atatillugu kingunerluutaasinnaasut pillugit paasissutissanik naammattunik pissarsinissi pisinnaatitaaffigaa. Taamaallaalli immikkut pingaarutilinnut akuersisummik pissarsiniarniartoqartassaaq. Paasissutissiineq taanna napparsimasullu akuersinera imal. paasissutissamut tunngatillugu qanoq oqarnera, allattugaatinut nalunaarneqassaaq. Napparsimasoq allattugaatinut suut nalunaarneqarnerannik ilisimatinneqartariaqarpoq.

Paasissutissinneqareernikkut akuersisitsinerup allattugaatini qanoq nalunaarneqarnissaanut piumasaaqateqanngilaq, paasissutissalli taakkulu qanoq annertussuseqarnissaat, nakorsaanernut pisinullu ataasiakkaanut naleqqussagaassapput. Napparsimasoq 15-ileereersimasoq, paasissutissinneqareernikkut nakorsartinnissamut nammineq akuersisinnaavoq. Angajoqqaatut akisussaasoq aamma paasissutissinneqassaaq, 15-iniillu 18-inut ukiullip isummernissaani peqataatinneqarluni.

Napparsimasup allattugaatinik takunnissinnaatitaanera

Immikkut ittunik akornutissaqanngippat, napparsimasoq allattugaatinik takunnissinnaatitaavoq. Tamanna peqqinnissakkut sullissisutut ilinniakkat akimorlugit allattugaatinut nalunaarsuinermit atuuppoq. Allattugaatinik takunnissinnaatitaaneq napparsimasut inatsisitigut inissisimanerat pillugu Inatsisartut peqqussutaat naapertorlugu, sumiiffimmi aqutsisunit aalajangiivigineqartarpoq.

Napparsimasup akuersitinneragut paasissutissanik peqqissutsimut tunngasunik pissarsiniarneq

Napparsimasup akuersineragut allattugaatini nalunaarsimasunik peqqissutsimut tunngasunik paasissutissanillu allanik allanut isertuussassanik, nakorsaanermut atatillugu imal. siunertanut allanut, napparsimasup soqutigisai pisariaqartitaalu eqqarsaatigalugit, paasissutissanik naapertuuttunik pissarsiniartoqarsinnaavoq. Tamanna naatsorsueqqissaarnernut-, pitsaassutsimik qulakkeeriniarnernut-, nakorsaanernik suleriaatsinillu inerisaaniarnernut- imal. peqqinnissakkut sullissisut iliuusaannik ass. napparsimasut maalaarutaannut tunngatillugu naliliinernut atatillugu pisinnaavoq. Nakorsaanermut tunngassuteqanngippat napparsimasorlu akuerseqqarsimangippat, ilaqquttat pillugit allattugaatini paasissutissanik atuarneq inerteqqutaavoq.

Napparsimasoq akuersiteqqaarnagu paasissutissanik peqqissutsimut tunngasunik pissarsiniarneq

Peqqinnissakkut sullissisoq, napparsimasup nakorsarneqarnissaanut pisariaqassappat, napparsimasoq akuersiteqqaarnagu allattugaatini paasissutissanik pisariaqartitanik pissarsiniarsinnaavoq. Tamatuma saniatigut nakorsat kigutillu nakorsaasa namminneq akisussaaffigisaannik, allatsit ilinniartullu, iluaqutissatut imal. ilinniutitut, allattugaatinik atuarsinnaapput.

Allattugaatinik takunnissinnaaneq, suliassanik inuiaqatigiinnut pingaarutilinnik- naatsorsueqqissaarnissaaq siunertarlugu imal. nakorsaanerit suleriaatsillu pitsaassusaannik qulakkeerinissamut imal. inerisaanissamut tunngatillugu- suliassanik isumaginninnermut atatillugu pisariaqarpat, napparsimasoq ilisimateqqaarnagu nakorsaanermullu attuumassuteqanngitsumik allattugaatinik aatsaat atuartoqarsinnaavoq. Nakorsaaviumi aqutsisut immikkut aalajangersakkanik toqqammaveqarlutik pineqartup allattugaatinik atuarnissaanik paasissutissanillu naapertuuttunik pissarsinissaanik akuersisimanissaat, matumani

piumasaqaataavoq. Peqqinnissakkut sulisinnaatitanermut uppersaataillit allaluunniit allattugaatinik atuarsinnaatitaasut, nipangiussisussaataassapput, paasissutisaanut akisussaasumi atorfeqassallutik imal. paasissutissanik suliaqarnissaq pillugu isumaqatigiisummi ilaassallutik. Kina paasissutissanik sunik pissarsinarsinnaasoq pillugu toqqammavissat aalajangersimasut, allassimassapput illuatungeriinniillu naapertuuttunit pissarsiarineqarsinnaassallutik.

Paasissutissanik peqqissutsimut tunngasunik ingerlatitseqqineq

Peqqinnissakkut sullissisut/ikiortit, napparsimasoq allakkatigut oqaatsitigulluunniit akuersiteqqaarlugu aatsat, peqqinnissakkut sullissisunut allanut, suliffeqarfinnut pisortaqarfinnuunniit, paasissutissanik, napparsimasumik nakorsaannermt atatillugu napparsimasut peqqissusaanut tunngasunik, inummut namminermut tunngasunik paasissutissanillu allanik allanut isertuussassanik ingerlatitseqqiisnaapput. Napparsimasup tamatumunnga akuersinera allattugaatinut nalunaarneqassaaq.

Akuersissummik pissarseqqaarnani paasissutissanik pineqartunik ingerlatitseqqiisoqarsinnaavoq:

- Napparsimasup nakorsartinnissaa eqqarsaatigalugu piumasaqaataappat, napparsimasullu pisariaqartitai kissaataalu eqqarsaatigalugit ingerlatitseqqiisoqarpat.
- Ingerlatitseqqinissap nalinginnaasumik soqutiginaateqarnera, paasinartumik tunngavissaqartumik isumaginninnissamut imal. napparsimasoq, peqqinnissakkut sullissisoq allaluunniit immikkut ittumik eqqarsaatigalugit, pisariaqarpat.

Inatsisit atuuttut naapertuuttut

- Peqqinnissaqarfiup aqunneqarnera aqqissuussaanelalu pillugit Inatsisartut peqqussutaat nr. 3, 23. maj 2000-imeersoq
- Napparsimasut inatsisitigut inissisimanagerat pillugu Inatsisartut peqqussutat nr. 6, 31. maj 2001-imeersoq
- Peqqissaasut sulisinnaatitaanermt sulinerallu pillugit Inatsisartut peqqussutaat nr. 7, 30. oktober 1995-imeersoq
- Peqqussut nr. 860 18. december 1991-imeersoq Kalaallit Nunaannut tunngasoq, nakorsaqaarneq pillugu inatsisip atuutilersinneqarnera (nakorsatut sulineq pillugu inatsit).

Najoqqutarisat naapertuuttut allat

- peqqissaasut allattugaatinut nalunaarsuisarnerat pillugu ilitsersuut 29. april 2005-imeersoq, Sundhedsstyrelsen
- nakorsat allattugaatinut nalunaarsuisarnerat pillugu ilitsersuut nr. 118, 13. oktober 2003-imeersoq, Sundhedsstyrelsen

Atuutilerfia

Ilitsersuutip atuutilerfia: xx. 2023.

Nunatsinni Nakorsaaneqarfik/Landslægeembedet, 6. juli 2023

Henrik L. Hansen / Louise L. Faber